

Сарпинск районд эрдни-шишә асрлгън мартгдджана

Сарпинск района кесг колхозмудар болн совхозмудар эрдни-шишә асрлгънд эрки кергтә оныг тәвгдәд уга. Эдла-ахун кесг гардачнр, тӯрун болдж агрономс элвгәр ургъсн бвснә хадад даргдад, эрдни-шишә асрлгъна кәдлмшиг хооран саагъад, эрдни-шишә асрлгъна агротехническ зокад эвдджәцхәнә.

Агротехническ зокалар, эрдни-шишән тәрән экләд гархас урд делгудән самлгдх зөвтә. Болв эн эрки чинртә кәдлмш района кесг эдла-ахусар цагтан кегдсн уга гих кергтә. Июнь сарин тӯрун брәлд, элвгәр орсн хурин хәбн тәрәнә, тер тоод эрдни-шишән ургъцик омлгън кевәр бәдлв. Эднлә зүткәддж, тәрәнд харшлдг

бвсн чигн куч авад ургъв. Ахрар келхд, эрдни-шишән тәрән делгудән семлгъ кергәджәнә.

Болв селәнә эдла-ахун олнзусн кәдлмшиг негдүлдж эс чәдад, зуурлддж йовх гардачнр, эрдни-шишә асрлгъна кәдлмшиг удадулад, эс гидж нам мартдж йовна. Улгүрн, 2-ч номертә совхозин 5-ч фермд тарәнд саалтгәдг бвсар авлгдсн 800 гар гектар эрдни-шишән тәрән бәәнә. Энунәс семлгдсн зуг 150 гектар газр. Эн совхозин 3-ч болн 6-ч фермсар болхла, семлгън нам эклгдәд уга.

„Путь к коммунизму“ колхозин 2-ч бригадт 500 гектар газрин агъуд эрдни-шишә тәр-

гдсн нертә билә. Эн газрин 125 гектартн эрдни-шишә гарсн уга. Сән эздүд тиигдж эс гарсн газрмудар хойрдад тәрнә, болв, „Путь к коммунизмин“ гардачнр хойрдад тәрх бәәтхә, нам эрдни-шишән тәрә семлгъән сәнәр экләд уга. Эрдни-шишән тәрә асрлгъна тиим бәәдл „Гигант“ колхозд чигн бәәнә.

Сарпинск район эрдни-шишән тәрәнә нег гектар болънас 300 центнер силос дардж авх даалгъвр авла. Энүг күцәхин тәлә эрдни-шишә асрдж ургъалгънд эрки кергтә трактормуд, чаадг-чидг улс шишлнъ гаргәдж, эрдни-шишә семлгъиг чанъгәадж, цагтн кеджәх кергтә.

Ю. ТКАЧЕНКО.